

**Broj: UP1-06-13-1-111-7/21**

**Mostar, 20.01.2022. godine**

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13, 94/15, 54/19 i 1/22), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“, broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“, broj 2/17, 39/20 i 82/21), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“, broj 53/14), člana 4. stav (3), člana 5., člana 6. stav (2) i člana 9. stav (2) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19) postupajući po Zahtjevu za izdavanje dozvole za rad za proizvodnju električne energije broj UP1-06-13-1-111-1/21 od 17.05.2021. godine podnosioca zahtjeva ECO SWIS d.o.o. iz Mostara, Kralja Petra Krešimira IV, Lamela II, sprat 2, Mostar, zastupan po zakonskom zastupniku Ivici Mandiću, Regulatorna komisija za energiju u Federaciji Bosne i Hercegovine – FERK je 20.01.2022. godine na II redovnoj sjednici donijela sljedeće

## **R J E Š E N J E**

1. Izdaje se Dozvola za rad za proizvodnju električne energije podnosiocu zahtjeva ECO SWIS d.o.o. iz Mostara.
2. Utvrđuje se ECO SWIS d.o.o. iz Mostara, status kvalifikovanog proizvođača u objektima solarne fotonaponske elektrane „**ECO SWIS 3**“ solarne fotonaponske elektrane „**ECO SWIS 4**“, solarne fotonaponske elektrane „**ECO SWIS 5**“, solarne fotonaponske elektrane „**ECO SWIS 6**“, solarne fotonaponske elektrane „**ECO SWIS 7**“, i solarne fotonaponske elektrane „**ECO SWIS 8**“, u periodu važenja dozvole iz tačke 3. ovog rješenja.
3. Dozvola za rad izdaje se na period od 20.01.2022. godine do 19.01.2032. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti privremenu regulatornu naknadu za 2022. godinu u iznosu od 742,13 KM.
6. Imalac dozvole prvi dio privremene regulatorne naknade iz tačke 5. ovog rješenja u iznosu od 346,33 KM obavezan je platiti u roku od 30 dana od dana primanja ovog rješenja, a preostali dio privremene regulatorne naknade u iznosu od 395,80 KM imalac dozvole je obavezan platiti do 31.08.2022. godine.

7. Regulatorna naknada iz tačaka 5. i 6. ovog rješenja će se preračunati nakon donošenja odluke o utvrđivanju postotka za obračun varijabilnog dijela regulatornih naknada za 2022. godinu o čemu će se izdati posebno rješenje.
8. Imalac dozvole je obavezan plaćati regulatornu naknadu za naredne godine važnosti dozvole na način i u iznosu koji utvrdi FERK posebnom odlukom.
9. Ovo rješenje je konačno, i objavljuje se na oglasnoj ploči i internet stranici FERK-a, a dispozitiv ovog rješenja u „Službenim novinama Federacije BiH“.

## O b r a z l o ž e n j e

Dana 17.05.2021. godine FERK je od podnosioca ECO SWIS d.o.o. iz Mostara zaprimio Zahtjev za izdavanje dozvole za rad za proizvodnju električne energije pod brojem UP1-06-13-1-111-1/21. Dopuna Zahtjeva u FERK je primljena 20.05.2021. godine pod brojem UP1-06-13-1-111-2/21.

Prilikom pregleda potpunosti podnesenog zahtjeva, a u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije UP1-06-13-1-111-3/21 od 16.06.2021. godine, i odredio mu rok radi otklanjanja, u obavještenju, naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis zaprimljen u FERK 21.06.2021. godine pod brojem UP1-06-13-1-111-4/21, i dopis zaprimljen u FERK 10.12.2021. godine pod brojem UP1-06-13-1-111-5/21, uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-111-1/21 od 17.05.2021. godine, podnosioca ECO SWIS d.o.o. iz Mostara. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-111-6/21 od 05.01.2022. godine usvojio Nacrt dozvole za rad za proizvodnju električne energije i Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, pa je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektroničku adresu, u razdoblju od 06.01.2022. do 14.01.2022. godine do 12:00 sati, kao i da su osobe koje imaju direktan interes učestvovati u postupku izdavanja dozvole, pod uslovom da im je interes različit od opštog javnog interesa, imale mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 06.01. do 14.01.2022. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 14.01.2022. godine do 12:00 sati, u FERK nisu zaprimljeni pisani komentari na Nacrt dozvole za rad za proizvodnju električne energije, niti je zaprimljen zahtjev za sticanje statusa umješača.

Dalje, članom 4., članom 5. i članom 6. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 9. stav (2) Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano je da će se novim imaocima dozvola za obavljanje elektroprivrednih djelatnosti i imaocima dozvola iz člana 6. stav (1) tog pravilnika, koji dobiju, odnosno izmijene i dopune dozvolu za obavljanje elektroprivredne djelatnosti za vrijeme važenja odluke iz člana 8. stav (4) istog pravilnika, utvrditi/preračunati iznos privremene regulatorne naknade izdavanjem pojedinačnog rješenja, koje će se primjenjivati do donošenja odluke iz člana 8. stav (1) tog pravilnika i rješenja iz člana 8. stav (4) tog pravilnika. O obavezi plaćanja regulatorne naknade imaoцу dozvole se ispostavlja posebno obavještenje.

Na osnovu obrade Zahtjeva za izdavanje dozvole za rad za proizvodnju električne energije podnosioca ECO SWIS d.o.o. iz Mostara i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonu o korištenju obnovljivih izvora energije i efikasne kogeneracije, i Pravilniku za izdavanje dozvola i Pravilniku o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljani su, u skladu sa članom 26. i članom 27. Pravilnika za izdavanje dozvola i članu 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu ECO SWIS d.o.o. iz Mostara da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, sa ciljem zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**

**Sanela Pokrajčić, s.r.**